

文靖公詩鈔

自怡悅齋試帖詩存卷一

吉林寶璽

鐙影秋江寺

得鐙字

古寺青山合長江白練澄旅懷三峽水秋影一龕
鐙猿鶴禪心寂魚龍夜氣凝松梢明佛火花外冷
漁舂船泊鯨音悄鈴喧雁語騰朗分千里月定想
六朝僧曲岸雲雙屐涼波塔數層何如

離照普仁壽頌咸登

左右惟其人

得惟字

匏繫懷吾豈梅調最爾惟其人居左右當代翊

君師體備威兼德歌成有且宜勲名高且甞前後接丞
疑駿烈揚圖史鴻猷肅鼎彝苞桑

丹陛共修竹素心知虺詰精嚴外鳩方弼亮時

聖朝澄敘久翕受懷敷施

竹淨堪居鶴

得堪字

放鶴還招鶴幽居底處堪苔新橫古翠竹淨擬精
藍梧影沉朱戶桃花隔碧潭胎仙風骨異稚子露
華含綠玉吹香久青田得夢酣飛聲聞一一捷徑
悟三三君復神先契王猷意可參枝栖欣

禁苑永荷

聖恩覃

書畫船

得家字

月采蟠虹采書家併畫家滄江高格調海岳古生
涯錦纜明珠箔銀函映玉叉閒情思擘鱗凡品謝
塗鴉青李評原確黃筌辨豈差一帆徵順利萬軸
列清華勝憶樓名稻皮殊艇記瓜繫船遺跡在風
露響兼葭

已涼天氣未寒時

得涼字

氣未嚴寒逼時哉已嫩涼天開羣玉府人坐鬱金
堂楊柳風三徑梧桐月半廊詩心添蟋蟀秋夢穩

鴛鴦碧箔螢千點青霄雁幾行精神澄鐵笛消息
問銀牀漏靜銅龍水爐沉寶鴨香闌干紅十二佳
興挹冬郎

交情脫寶刀

得刀字

脫手欣持贈人間百鍊刀寶增交誼重情助別離
豪虎吼藏珠匣虹飛付錦綵關心春樹遠耀目曉
霜高鑄定煩歐冶珍同詡孟勞允宜王覽佩不慮
尹何操夜月詩朋話秋風鬼母號時清聊拂拭好
待斷靈鼇

馬鳴風蕭蕭

得鳴字

滿耳蕭蕭遞風鳴馬亦鳴三軍騰殺氣四野起秋
聲紫塞紅旗直黃沙白草平鼓笳紛雜沓鵝鸛莽
縱橫路豈孫陽遇威全屏翳行銜枚他日計落葉
故鄉情沫歎珊鞭怒塵掀玉帳輕凱歌應唱荅月
冷受降城

秦淮月

得秦字

古月成今月清淮尙姓秦依稀丹桂窟掩映綠楊
津流去湯湯遠看來了了眞紅樓香昨夢白水淨
前身鐙悄千家夜花明兩岸春恍疑珠箔女都是
羽衣人葢蕊梢頭影胭脂井畔鄰吳郎應愛慕照

遍板橋塵

長安月

得安字

一片空明月當頭好其看時頻經浩劫地又照長
安澹水珠涵影函關玉塞九煙雲千里肅風露二
陵寒天爲留金鏡人誰倚石欄漢宮秋寂寂秦時
夜漫漫碧老桐陰直黃新桂粟團霓裳如可聽猶
擬跨青鸞

峩眉月

得秋字

忽見峩眉頂輝光迴不猶朗分銀漢月高俯錦城
秋勢奪蓮花峭香騰桂子稠雪痕融白兔峽影印

黃牛古佛澄眞面姮娥在上頭半輪吟五夜千仞
豁雙眸勝景巴人眺良宵蜀客游鷺峰猜彷彿蟾
魄足淹留

瀟湘月

得湘字

白芷紅蘭外天光接水光微雲消夢澤片月下瀟
湘夜雨前番急湖風儘夕涼浪凝三尺雪帆挂一
船霜意仁停琴久聲聞鼓瑟剛澧沅分遠近吳楚
混青蒼楊柳魚村際芙蓉鱗火旁何如清曉勝待
問米元章

道以神理超

得超字

理化通神化推行道孔昭其他歸落落以此得超
超水急誰求劍風微乍過簫觀魚閒領會忘象大
逍遙元箸爭千古天暖解一朝靈機仙佛契妙用
聖賢標室白偕雲卧爐紅驗雪消執中欽

睿智勿穆靖紛囂

清簟疎簾看奕棋

得簾字

敲棋原興逸看奕更神怡清寂人依簟蕭疎戶下
簾五花精采射一桁嫩涼添乙乙思方妙丁丁子
又拈心憑鴻鵠至陣訝鶴鵝兼碧冷風生座紅遮
日傍簷箇中殊自得局外總無嫌行入羲皇界披

襟付黑甜

楊柳半藏鴉

得鴉字

楊柳陰濃處
撩人景趣賒
春風雙繫馬
落日半藏鴉
舊曲翻羌笛
遙村指范家
黃雲城十里
碧靄路三叉
掩映青絲綰
依稀白項遮
有誰歌裊裊
時聽噪啞啞
隱約看林角
蒼茫近水涯
一枝欣可借
驚序好同誇

簷外蛛絲網落花

得絲字

庭院飛花片
蜘蛛結網絲
風前紛錯落
簷外逗參差
虛白層層隔
殘紅故故欹
有情原莫定
無意偶

相羈蝴蝶窺簾後
蠨蛸在戶時
四圍脩竹映一笑
古梅知招隱
懷龔勝
尋春話
牧之閒
階延淑景坐
對足心怡

六月莎雞振羽

得雞字

振羽微蟲擅幽詩
六月稽化原殊橘蠹名
共識莎雞絕類
啞啞者相看
揖揖兮響騰
瓜蔓架飛過菜
花畦自向煙蕪托
休猜月店嘯蟬琴聲下
上螳斧影東西
似喜溫風至
時乘暑雨棲
語冰應不解蛙
噪又前溪

明月小橋人釣魚

得莊字

靜夜人垂釣優游樂未央
小橋連鰈舍明月滿魚
莊喋啜三篙水蕭森兩岸霜
欄斜丹桂影餌泛白
蓮香閃閃蟾光裏閒閒雁齒旁
一竿星火悄雙袖
露華涼宿鷺驚驚還起奔狐竄
已忙悠然濠濮意漁
笛在滄浪

菊花須插滿頭歸

得歸字

花花須亂插愛菊願無違
嘯傲昂頭往游觀滿志
歸高山憑採擷晚節惜芳菲
短鬢宜涼露前途又
夕暉寒蟬催客去瘦蝶近人飛
紅惹塵雙屐黃披
帽四圍有誰開徑望轉笑佩萸非
小杜饒幽興風

流壓翠微

雨中黃葉樹

得黃字

樹與秋俱老
中林一色黃
葉聲飄浙瀝
雨氣攪微茫
有客占騎月
連宵說隕霜
夢驚雙睡鶴
抱剩幾寒螿
斜日韜全影
低雲助晚涼
陰都銷翠重
果已落紅香
野屋炊煙溼
空庭古蘚荒
故人當此夕
情話話偏長

十月隕擇

得冬字

幽民歌隕擇
月令紀初冬
十畝荒寒地
干林慘淡容
風淒頻虎嘯
樹老倍龍鍾
煙葉青全失
霜花白

正濃鶴^巢孤絕巖鵑陣掠遙峰靜苔鄰家杵涼搗
古寺鐘嶺梅開馥馥堦蘚覆重重擁屐乾聲起閒
吟杖短筇

落葉滿宮溝

得宮字

滿目驚搖落溝邊葉葉紅曉寒長樂殿秋色上陽
宮蘚迹青微漾蘋花白盡空林殊鸚鵡渡時遇鯉
魚風蕭索霜華際蒼涼水色中玉階踪近遠金井
路西東鳳冷雲雙闕蟾迷月半弓題詩誰寫意逸
興古今同

九月團臍十月尖

得尖字

蓴菜鱸魚後江村鱗又添月佳分九十臍美合團
尖碧籬平堤接紅燈小艇瞻色含橙實老芒去稻
花鉅候恰秋冬續聲誰郭索嫌香黃重甲暈肥白
一筐黏螯酒情常愜盤殮味已兼有薑渾不撒梅
影笑窺簾

月光如水水如天

得明字

止水兼流水如如妙諦呈月光分朗澈天色入虛
明珠想探驪得橋疑駕鵲成高卑同玉照俯仰盡
晶瑩蟾兔眞仍幻魚鳶送復迎九霄涵萬派一氣
寫雙清閃爍輝相屬澄鮮狀莫名江樓凝眺處畫

意逗詩情

其二

月色天光合江樓寄遠情
四圍澄浩渺一片悟空
明雲散冰壺浸煙銷雪練平
大千歸寶鑑尺五認
瑤京皓魄前身濯圓靈妙喻評
影虛皆倒映理確
恰環生潑眼金波冷凝眸玉宇清
凭欄頻賞玩數
點報鼃更

安得萬里裘

得裘字

安得同安燠香山設想周千間
開廣廈萬里入輕裘
裘臂指聯龍塞聲名小雉頭
襖奇紅日近紋古翠

雲流世闢兜羅界人欣挾纈謀幅員歸五絨襟帶
徧中州穩暖思如此祁寒怨也不

聖恩今浩蕩衣被統遐陬

玉鉤簾下影沉沉

得鉤字

薄暮湘簾下沉沉控玉鉤煙痕千里淨月影一庭
幽銀蒜低相倚金波澹欲流隔疑雲丹牖湧訝水
晶毬人幻青娥夢天澄碧瓦秋涼應梧蔭助香是
桂花畱屈曲蝦鬚映迷離麝炷浮呼童收寶押珮
夾豁吟眸

畚田得雨肥

得肥字

見說畱畬好占豐願不違恰逢甘雨得頓覺大田
肥流水塍龍活低雲石燕飛地濡三尺透人擁一
簑歸潤訝膏常沃沾偕露未晞樹紅梅子綻煙翠
豆花圍叱犢村邊路鳴蛙柳外磯

醴恩欣普被抃頌徧郊圻

他山攻玉

得他字

信有山如礪須知玉待磨玲瓏珍若此攻錯助由
他容受兼沙礫功夫抵切磋璞開蒼石潤氣吐白
虹多不使瑕微匿堪稱善謂摩精粗雖異體雕琢
恰同科蒲穀文章煥苔岑臭味和圭璋邀

睿賞特達效賡歌

瑤琴一曲來薰風

得琴字

一唱薰風曲微涼欲滿襟興來惟玉案神往此瑤
琴天序長朱夏人情澹綠陰高山流水趣解慍阜
財心頓洗三庚暑如聯八伯吟器原融以景節有
妙於音蟬語雲千樹螢飛月半林讀書真樂足絃
指寫愔愔

白藕作花香滿湖

得湖字

花花饒作意白藕滿平湖韻冷彌堪賞香清未易
摹薰風涼似水零露點成珠皓質縈雙蒂芳心照

四隅味同蘭麝永情與鷺鷥俱肯使紅塵染偏宜
碧浪濡洛神幽格調炎帝巧規模

鳳沼

恩波闊揚芬擴壯圖

看劍引杯長

得杯字

秋水芙蓉劍春風琥珀杯引來看寶匣長此對金
罍照眼精芒溢同心笑語陪龍吟誰想像鯨吸且
徘徊豪邁詩仙量沉酣俠士材問天紅友助斫地
白虹催采喜兼珠炫山嘲似玉頰吳鉤資拇戰雅
絕杜陵才

長夏江村事事幽

得幽字

盛夏舒長日澄江浩淼流
村村開罨畫事事入清幽
斷夢驚巢燕閒情寄野鷗
綠雲楊柳塢紅露藕花洲
亭午看槐靜園丁報筍抽
誰教羲馭駐如在朝川游
客永圍棋興童酣濯足謳
及時霖雨作深壑起潛虬

江干多是釣人居

得多字

最是江干好安居近綠波
客來樵子樸人喜釣徒多
鄉本豐魚米家全足笠簑
神祠崇白馬朋酒醉紅螺
比戶絲垂柳循牆徑踏莎
三篙花月夜十里

水雲窩樂國宜名燕巖更每報鼉渭濱王佐寓

聖世效賡歌

綠藤陰下鋪歌席

得鋪字

藤下開芳宴清歌雅足娛拍誰紅玉按席恰綠陰
鋪影混千章木喉誇一串珠茵連青蘚好序唱紫
花無冰簟銀牀共金樽鐵板俱耳邊撩雪亮身外
是雲扶對景歡詩伯知音醉酒徒詠歸歸定晚蘿
月照前途

蟾宮預織登科記

得宮字

預卜文章福登科記最工姓名題鳳篆組織溯蟾

宮雁塔輝煌外龍梭想像中蕊珠常結彩花樣妙
翻空綃奪袍痕紫綾先餅餤紅金針千古在銀榜
一時同此手應修月其才等御風鹿鳴嘉宴啟得
士愜

宸衷

紅藕花中泊伎船

得船字

是否東山妓湖中泊畫船碧分桃葉渡紅入藕花
天蘭渚菱洲外珠簾繡柱前縱游香國界妙悟美
人禪露浥葡萄酒風薰玳瑁筵眼橫波宕漾絲想
意纏綿妬殺鴛鴦夢修成蛺蝶仙彩雲明鏡裏更

賦洛神篇

孟方水方

得孟字

方與方爲範徵諸水在孟民心知有準君德妙相
符清濁分千派綱維飭四隅養源渾可溯從矩總
難踰印印禪機合洋洋聖化濡羣流皆式玉大業
等操觚理亦同圓轉情全滌垢污荀卿言足証沐

澤景

皇圖

清簟疎簾看奕棋

得清字

冰簟珠簾映蕭疎得趣清敲棋饒逸致看奕暢閒

情蛟褥涼同泛蝦鬚細欲縈手談人款洽眼界我
分明黑白真形判樓臺爽氣迎局中頻佈陣壁上
此觀兵槐日消雙壘茶煙裊一枰杜陵深意在袖
手了無爭

圮上受書 得書字

圮橋橋上路授受記當初赤帝千秋業黃公一卷
書鷹揚傳秘奧狙擊笑迂疎雙履提攜後三更訓
飭餘神仙蹤幻杳孺子意冲虛秦火燒難盡韓邦
憤待舒魁梧形漫擬破竹理全儲想像畱侯跡臨
流足起予

異書難購始嫌貧

得貧字

不爲書求異何嫌士也貧幾番難購覓始覺太艱
辛鳳泊鸞飄字龍潛蠖屈人問伊驚善價觀我剩
閒身未許荊州借空如洛鼎珍稿疑三代舊文送
五窮新撫卷情誰惹居奇意轉賸好來東觀讀抽
秘侍

楓宸

點溪荷葉疊青錢

得錢字

點綴溪頭景新荷葉葉圓扶搖分翠蓋重疊訝青
錢合有菱絲貫偏宜荇帶穿細磨三尺浪暖鑄一

篙煙豈果文成水從知府號泉饋貧君子志求富
釣人緣榆莢紛飛後苔花染惹邊

龍池饒綺麗

宸賞倍流連

硯田

得田字

硯山平曠處一片好腴田國課書倉納鄉風石戶
傳閱深閒歲月耕破古雲煙活潑心苗發縱橫理
窟穿筆花開吉夢墨稼報豐年始信通經士眞饒
負耒緣樓臺修鳳地洞壑換鵝天

聖代崇儒術街華佩寶全

墨稼

得年字

莫謂區區墨而無大有年不須遲學稼已似舜耕
田地闢書山闊渚停筆海圓馨香疑黑黍聲價小
紅蓮唾恍生珠者情如種玉然龍賓名十二鳳紙
界三千稗翦詞林早禾收藝圃全豐亨占

盛世幽頌佐

經筵

青草池塘處處蛙

得塘字

不辨蛙多少溪頭草正芳青青攬荇藻處處認池
塘水色風痕裏蘆葦荻筍旁黑兼蝌蚪雜白是鷺

鶯翔鼓吹誇全部公私問那廂未須吟半畝忽又
在中央葉亂紅蜓立花繁碧藕香

宸游欽

太液茂對愜宸良

朱華冒綠池

得華字

雅絕陳王讌蓮池景物嘉空明惟綠水覆冒有朱
華色麗胭脂染輝凝錦繡遮紅鱗同庇蔭翠蓋映
交加宛似晶簾啟休將火繖誇三篙縈荇藻一色
燦雲霞把酒停詩舫憑欄展畫叉

仙莊瞻避暑游豫頌

皇家

槐夏午陰清

得陰字

初夏庭槐茂濃披卓午陰爽眞消熱念清欲滌煩
襟對面青蟲縋當頭翠蓋森薰風吹蟻夢微露答
蟬吟待看黃花吐全忘赤日臨疎鐘遲夕照涼簟
悟秋心學市幽堪賞冰廳暑不侵龍圖誰繼美翔
步到瓊林

警枕

得勤字

撫枕猶思警遐稽戴記文祇緣防逸豫用以勵精
勤鴻寶搜遺籍雞鳴証異聞豈惟嚴晝寢直欲戒

宵分夢許周公見肱懷孔子云錢王畱意切溫國
寄情殷倒襪殊修月開窗笑臥雲萬幾朝夕念兢
業仰

仁君

夫襖

得衣字

典考夫襖古青萍特授衣鋒全韜銳利製轉覺精
微似懼龍鱗溢常教虎錦圍撫衷餘俠氣滿腹是
兵機展處紅蓮活披時白練飛玉鞭深護惜珠匣
妙因依剛斷渾無迹寬舒自有威

聖朝方偃武赫濯頌郊畿

夏雨兩人

得人字

望雨逢甘雨沾濡四野勻舒長欣紀夏膏沃總宜
人日近分龍節風催化雀辰九天濃霖霖萬戶健
精神綠漲溶溶水紅消袞袞塵雅堪亭誌喜豈止
澤如春炊玉從茲卜隨車儘可珍霸功卑管氏廣
被頌

皇仁

夢授衍波箋

得波字

十樣鸞箋外嘉名記衍波夢游眞閬苑手授是姮
娥珠露金壺灑銀雲玉檢拖紙誇天上貴仙聚月

中多散彩驚黃絹驅濤引絳河幻成香國界譜出
曉寒歌才筆樓修鳳宮粧黛點螺蕭郎饒勝遇昂
首快如何

乞取春陰護海棠

得陰字

海棠紅欲笑護惜仗春陰擬向天心乞頻教雨腳
臨東風吹嫋嫋香霧鎖沉沉念較金鈴切情先錦
幄深紫姑應鑒我青帝有同心澤爲花神望光嫌
日御侵聘梅新意旨咒筍舊胸襟記取燒銀蠟芬
芳滿

上林

屈刀爲鏡

得爲字

忽訝刀能屈居然鏡可爲
仙心通幻杳物質妙推移
本以鳴鴻寶翻成化鵲奇
曉霜三尺歛秋月一匳
窺鑄豈臨江待抽曾斷水
期有鋒韜銳利無意
辨妍媸龍雀爭輝日芙蓉
及第時朗然軒鑑握游
刃馳敷施

自怡悅齋試帖詩存卷二

吉林寶鑒佩蘅

傳永下馬作露布

得歸字

將軍紅叱撥倚馬示兵威
電掃霜毫走星馳露布
歸陣雲驕蹴踏邊月朗
樞機振臂心花怒回頭塞
草肥前驅開道路餘唾燦
珠璣駿足龍沙到鴻才
虎僕飛蒲梢來得得楊柳
頌依依

聖武遐荒震脩期詎所希

水繞蘆花月滿船

得船字

繚繞蘆花水江空月滿天地分
楊柳岸人坐木蘭

船遠浦明堆雪涼波澹化煙烏篷頻徙倚蟾窟此
勻圓雁陣驚還起驪珠抱欲眠銀雲開幻境玉宇
證飛仙吹火鱸誰釣停橈鷺正拳

御池

宸賞愜秋色寫澄鮮

月湧大江流

得流字

明月三霄滿長江萬古流蒼茫無限意洶湧者般
秋蟾兔光俱碎魚龍氣不收掀翻金粟藏盪出水
晶毬玉宇高低合銀雲下上浮夢搖青雀舫涼捲
白蘋洲靜趣分蘭茝餘輝逼斗牛大觀

蓬島近珥筆頌

宸遊

且看黃花晚節香

得秋字

看到繁英盡黃花獨耐秋疎香供頌略晚節目且勾
畱姹紫嫣紅洗寒蜂瘦蝶愁詩心同淡泊傲骨認
清道豔寫霜三徑涼添月一鉤遲回頻屈指欣賞
屢昂頭佳境餘彭澤高懷溯相州

御園資茂對培養

聖恩稠

茶煙輕颺落花風

得煙字

韻絕烹茶趣輕風颺碧煙堂深垂柳地人醉落花
天頻聽金鈴響誰吟石鼎篇香飛桃塢寂翠抱竹
爐圓弱柳低徊冒游絲染惹連綠莎看鶴去紅樹
喜鶯遷雋永宜佳士清華似去年春光無限好俯
仰杜樊川

園林纔夏麥先秋

得林字

時節纔初夏秋先麥隴尋疎黃迎暎澹濃綠接園
林密葉流鶯語平疇雖雉音春風懷旦暮晨氣潤
晴陰南陌千章影西成萬寶心金穰驚簇簇翠幄
望沉沉美蔭池塘闊幽香餅餌深雙歧昭上瑞豐

稔愜

宸襟

繞郭煙嵐新雨後

得新字

雨後山如沐嵐光潑眼新和煙痕染惹繞郭勢嶙峋
雉堞參高下螺鬟雜幻眞濕雲涼入曉芳樹澹
宜春茅屋詩誰賞松關畫欲皴落紅三徑膩空翠
四圍勻平野聽鷗路斜陽叱犢人

帝城韶景麗優渥仰

皇仁

雁聲秋滿空

得聲字

雁語來空闊秋光滿太清樓臺澄顥氣天地入商
聲楓樹蕭關老蘆花楚岸平銀河星幾點金柝月
三更風信兼霜信雲程復水程一行青有迹萬里
碧無情砧杵詩懷寄江湖旅夢驚漸遠逢

盛世刷羽到

蓬瀛

知人安民得安字

聖主垂裳治經綸道不刊人知諸枉錯民撫萬方安秋
月

楓宸朗春風郅屋歡取材高丙魏立法範申韓夢入驅

羊易歌攣馭馬難循名分雁塔沛

澤到雞竿

軒鑑

朝綱肅康衢世界寬

皇猷

昭代盛共仰

帝心殫

敬勝怠

得心字

載繹丹書訓千秋主敬心作恭垂典則勝怠切規
箴燕燕端模範夔夔慎影衾有嚴兼有翼如履更

如臨乾惕身修玉升猷度式金共瞻

皇建極直比

帝居歆計日孚先甲移風到孔壬寅清臣倍勵彌亮慰

宸襟

人中屈軼

得人字

袁薛推唐代中朝仰正人長離同瑞應屈軼現全
身喻漫蓬麻擬材偕竹箭陳心期高直諒指佞健
精神白筆風霜肅烏臺雨露新嫌逢瓜李未性比
桂薑辛櫟散襟懷異松貞氣味親拔茅欣

聖世培植荷

皇仁

梅雨稻田新得新字

四月江村好風光到眼新
稻孫田簇穎梅子雨兼旬
黃濕金丸影紅消繡鄴塵空濛飛絮路滑澆插秧人芳訊
嘯鳩早涼聲吠蛤頻雲低瓜步鎖樓古米家鄰笠屐兒童喜
陰晴節候勻作霖熙庶績

聖代羨吹豳

最是橙黃橘綠時得時字

最是娛幽賞青霜白雁時
疎黃橙樹樹老綠橘垂垂
給客新搓手呼奴妙解頤
丸鎔金錯落穎亞翠

紛披斜日巴陵道寒煙楚國祠芳香濃似酒秋色
韻於詩烏柏林三面丹楓水一湄髯蘇豪興遠誰
共撚吟髭

綠楊花撲一溪煙

得煙字

溪共垂楊綠飛花接渺綿糝遲三徑雪撲亞一篙
煙南浦吹橫笛東風倚畫船翠生蘭芷外白到鷺
鷗邊幻去誰疑夢拈來或悟禪郊原春水渡城郭
夕陽天彷彿萍踪合空濛樹影圓染衣趨

禁苑

太液沐

恩便

魚兆豐年

得豐字

記取維魚兆田歌唱屢豐江湖恬樂趣畎畝告成
功占驗丁男熟精神丙穴通夢回瓜蔓水香憶稻
花風想像煙波闊描摹露積崇妙參雞骨外幻寫
鹿墜中望杏瞻榆共依蒲在藻同有年書太史熙
皞入

宸衷

雨過潮平江海碧

得潮字

一碧橫江海平涵萬頃潮危樓攬遠岸急雨過層

霄玉宇清如洗銀山擁未消赭龕青厖厖壺嶠翠
迢迢波浪蒼龍挾神靈白馬朝綠分歸棹濕紅閃
夕陽描吳楚沉空闊乾坤入沈寥大蘇工寫似靜
氣滌塵囂

其二

海氣連江氣來潮擁去潮雲平蒼靄闊雨過碧空
遙響寂珠千點澄鋪練幾條浪花飛鐵弩坳芥小
金焦色訝青螺染涼看白鷺翹迷茫橫地軸傾倒
憶天瓢頓覺娛心目何能判壤霄

液池佳景足

渥澤喜頻

雨添山翠重

得添字

一氣涵空翠陰晴雨不嫌莫驚山色重都自雨餘
添暈寫峯頭活期符月額占似增痕淡冶猶憶勢
廉纖嵐鎖雲腰潤天低石髮黏細曾迷柳腳濃豈
藉松髯漲闊池平嶼煙深塔露尖

蓬壺韶景麗

聖澤快優霑

山靜似太古

得山字

神似兼形似羲皇想像間洪荒疑太古寂靜寫空

山苔草秋延徑松花晝開闌煙霞俱淡定巢窟此
蕭閒翠冷塵心化青濃石骨頑野風吹鶴夢流水
隔人寰混沌何須鑿崑崙竟許攀子西幽興愜俯
仰列仙班

人不易知

得君字

鄭重侯嬴意人原品類紛相知期鑿鑿不易溯云
云跡況他邦溷賢殊我客聞三年遲玉獻五色眩
絲棼虎鞞仍羊鞞雞羣更鶴羣退師曾燭武得土
幾田文落日夷門道西風汴水濱何如

昭代盛甄敘仰

仁君

其二

知易鄰皮相何人迴不羣聘殊公子札意感信陵
君須賈心空切虞卿意自殷迹偕鴻雪悟聲異鶴
皋聞行李風塵老投桃綽綽紛問誰懷入月對此
士如雲上客屠沽雜高名吐握勤侯生餘論在曾
否別猶薰

詞必已出

得人字

一已空千古昌黎出等倫性靈工抒寫詞意必精
醇爾室爐錘巧子懷杼柚新柳侯應識我花樣豈

猶人勦龔嗤旁午魁奇比受辛光芒爭李杜龐雜
謝楊荀偉迹功驅鱷餘情解獲麟

石渠欣珥筆詠蹈荷

陶甄

其二

吏部文章在嶽奇薄古人已惟精結撰詞必出清
新倒峽心源活窺山面目眞三唐攢大筆八代笑
前塵元氣淋漓溼時流綺麗珍堆敲容島佛援引
異經神翔鳳高騰蹈探驪剩爪鱗

皇猷欽黼黻夙夜懷維寅

冬日可愛

得冬字

衰也稱遺愛溫醇晉所宗
天方開化日人可忘嚴
冬白醉恬高士黃綿慰老農
煙雲消慘淡霜雪釋
從容暖自巡檐得寒休
仗酒衝影烘銀赫活香度
玉梅濃北陸殊南陸
高春接下春

恩光敷煦育瞻就策勲庸

月色江聲共一樓

得江字

一片秋心共登樓
興未降色澄來皓月聲遠接空
江靜寫臨風檻涼添傍水窗窟疑吳質躡潮訝伍
胥撞倒瀉銀灣影幽攬玉笛腔高層眞歷百清景

妙能雙朗潤分詩板謳吟雜釣艘鳶魚涵

聖智俯仰悟經邦

天寒雕鶚健

得寒字

颯爽英姿奮摩霄健羽翰人驚雕鶚出天助雪霜
寒白日乾坤肅青雲道路寬一株嗤鶴守萬里試
鵬搏大漠煙痕直空山木葉乾風沙乘勢易狐兔
匿身難秋薦冬逾振神清力倍完鷹揚扶

帝治寰海慶民安

時有養夜

得長字

養夜符占候漫漫唱未央時哉風料峭有若日舒

長煖閣燈花紫閒庭木葉黃碧空雲釀雪白曉月
如霜茶火邀朋話梅村續夢香蝦蟆更欲聞鶉鳴
影俱涼人自冬心抱天從夏令詳宵衣欽

聖主治化協

當陽

老當益壯

得王字

壯志文淵奮英年莫可當豈知人老大益覺氣昂
藏矍鑠精神固威棱戰伐彰怒生雙眼鐵寒颯一
頭霜銅柱勲名外金吾仕宦場鴻才高隴右駿烈
續昆陽刻鵠淳風訓飛鳶毒霧鄉子安能繼否詞

采照滕王

碧空卷微雲

得空字

雲氣涵澄碧霏微接遠空高低痕欲化舒卷意何窮
千呂青垂久爲霖素望崇淡摹山影翠遙捧日輪
紅夕靄橫斜外晴絲宛轉中蔚藍開上界眾綠想
神功托迹三霄近書祥五色同紀官符

聖治寰宇荷

幘幘

冬夜圍爐

得親字

今夕知何夕深冬夜話頻香宜梅塢送園共竹爐

親鳳炭三更焰貂裘四座春烹茶名士興煨芋宰
官身白戰冰心契青熒火候純西窗燈又剪東閣
月如銀溫煦偕瓊瑤週遭列錦茵乘時調玉燭

聖治協鴻鈞

檐垂夏果香

得香字

嘉果垂垂熟巡檐引興長一林清夏氣萬斛等秋
香紅雜櫻桃樹青分薜荔牆生成偕燕雀采掇待
鉤筐花落餘丰韻枝低更遠揚味融盧橘雋陰入
瓦松涼修竹三間屋新荷半畝塘誦芬騰茂實

御苑荷

恩光

其二

夏木垂檐向陰陰景物芳乘時圓結果滿院靜浮
香低樹連高樹長廊映短廊錯疑紅綳曬彌望碧
雲涼的皪珠玑綴蕭森翠幄張露華沉密栗風味
勝都梁蝸篆痕畱瓦鶯含影掠牆

上林多美蔭沐

澤效趨蹌

其三

嘉木垂珍果檐牙逗暗香朝煙和馥郁夏日喜舒

長池草濃遮蔭林花舊散芳青枝巢翡翠碧瓦鎖
鴛鴦斜影攙鶯羽清芬訝麝囊芝蘭同臭味桃李
此門牆地靜聞根妙雲深暑意忘

瀛洲佳景麗培植仰

天間

微雪酒香村

得村字

快意逢微雪山村接水村冷添詩客屐香到酒家
門淺白梅花塢濃青竹葉樽雞栖豚柵路鴻爪馬
蹄痕帘凍粉榆汙爐圍楫拙溫鬱金驚品第碎玉
響離藩寒日斜瓊笠春風老瓦盆明朝開霽景豪

飲弄晴暎

其二

去去香盈路
霏微雪影翻
壺觴干日酒
煙火萬家村
山冷疲驢策
檐低凍雀喧
梅陰明老屋
菊釀話芳樽
馨佐牛心炙
春生犢鼻褌
青旗紅字榜
黃葉碧雲屯
鄉味參詩味
風痕寫月痕
呼朋懽拇戰
游戲玉乾坤

黃金臺

得金字

高臺橫截嶽
遺址溯黃金
昌國三年績
昭王一片心
才華期百鍊
形勢控千尋
隗始君師友
無終地

古今火牛銷大業駿馬憶良箴春草燕山路秋風
易水憐館賓隆碣石拜將等淮陰明遠謳歌處蒼
煙夕照深

其二

戲馬呼鷹外燕臺蹟可尋網羅賢主遇然諾古人
心往迹空坏土斜陽自遠林狗屠邀侶共駿骨感
懷深創霸頻前席招涼久獻琛劇辛看接踵騎劫
笑成擒東國新朝局南垂冷夕陰望諸功烈在鑄
象擬黃金

時鳥多好音

得音字

好鳥紛無數乘時自在吟似分鸞鳳嘯絕勝管絃
音燕語攙鶯語花陰接柳陰碧窗春夢悄紅樹夕
陽深睨睨曾三月間關又一林變聲參物理鳴盛
答天心蛙送塘邊鼓蟬疎葉底琴

御園多美蔭雅韻愜

宸襟

寒與梅花同不睡

得梅字

久與寒香伴花花幾樹梅爲同清友契不許睡魔
催綺閣明蟾凍瑤階老鶴陪縞衣醒舊夢白雪鬪
奇才紙帳銅瓶稱冰心玉骨推懶啞高士臥化擬

放翁來品第紅羅共神仙綠萼猜會當調鼎鼐

聖化普埏垓

魚戲新荷動

得荷字

動盪縈新綠田田認早荷燕曾捎遠岸魚恰戲圓
波撥刺紅鱗閃橫斜翠蓋拖定教珠露瀉莫訝剪
風過白小錢同疊青圓鏡欲磨胃菱千點膩吹絮
一春多荇菜香盈渚桃花浪簇渦

液池

宸賞愜

游豫邁卷阿

鳥嘯山客猶眠

得眠字

幾處聞嘯鳥山深得趣偏衣裳雲共臥枕簟客猶
眠杜宇春聲雜松窗曉夢圓紅催花作雨翠掩帳
如煙逸鳳蟠龍地提壺買鏡天聽鸛聞歲月化蝶
古神仙共訪晨光動何妨睡味綿起仍隨喚起不
負好林泉

江南江北青山多

得秋字

山色青蒼接江濤浩瀚流多依南北岸橫界古今
秋莽莽千峯影茫茫六代愁仙鬢仍佛髻楚尾更
吳頭遠勝黃牛峽平分白鷺洲煙巒吞荻港雲水

認瓜州虎踞龍蟠勢鸞翔鳳翥游坡翁豪詠處奇

景望中收

花落家僮未掃

得花字

滿階紅未掃僮稱野人家初日明高樹東風颺落
花影篩蒼蘚路香浸紫蘭芽生硬都疑鹿翻飛正
噪鴉松陰遲擁簪竹裏夢煎茶人比閒雲懶庭餘
豔雪誇芬芳深一徑瀟灑笑雙丫雅絕王摩詰幽
居興味賒

醜妻惡妾勝空房

得房字

儼似齊人室濃粧復淡粧縱然非麗質猶勝守空

房奇並鳩盤貌清分燕寢香守雌雙蛺蝶比翼兩
鴛鴦亦可期予美何須問彼蒼謳吟嗤牧犢杵臼
笑裴航聊爾同攜手憐伊枉斷腸膠西傳謔語詩
酒太疎狂

其二

癸丑占年甲妻同妾比將有情沾弱絮無用勝枯
楊鳥竟羅鶯燕魚何羨鯉魴離奇惟面目顛倒自
衣裳我屋鴛衾暖誰家蝶夢涼迴殊花月夜虛望
杜蘭香亦若求其牡還宜老是鄉坡仙畱雅謔樂
府匹芝房

坐看春筍過林高

得高字

春筍兼旬長驚看幾許高過林青密栗繞坐綠周遭倚石神常暇凌雲氣共豪枝梢龍突兀尾段鳳翔翺曲徑花鱗竄東風謝豹號皈心惟玉版把臂或山濤翠挹淵明柳香分仲蔚蒿游思依竹素駿業望伊皋

其二

坐傍貓頭筍春深樂趣叨頓看新籜解突過舊林高苔石紆三徑花風度幾遭直將珍篠簞豈止俯蓬蒿甜味曾分蕨低枝或映桃雲霄爭聳拔煙雨

助蕭騷渭水懷千畝淇泉漲一篙

御園標勁節得地快仙曹

鳥窺新捲簾

得窺字

十二珠簾捲清新景物宜庭幽人自喜林密鳥潛
窺旭日玲瓏外春風睨睨時鳳樓欣洞達蛛網任
迷離得意頻穿樹旁觀等奕棋蝦鬚全斂影燕睇
恍如期碧刺茶煙裊青偕柳眼垂韶華欽

上苑順遇叶鴻儀

成允成功

得成字

石紐珍符啟欽哉績用成允期言必踐功有事爲

衡八載鴻謨獻重華駿業宏惟歌惟敘協一德一
心并吁咈都俞切要荒采甸平猷爲尊日贊漸被
迅風行民信諧鞀鐸苗頑懾鼓鉦

聖朝敷化遠颺拜頌埏紘

月林散清影

得清字

幽絕招提境良宵皓月呈繞林三面悄散影十分
清老樹楸梧雜閒階荇藻橫更無雲障翳都似水
空明地白通猿路煙靑度鶴聲天疑涼露滌人與
妙香迎銀界分濃蔭冰壺証舊盟浣花欣繼響珎

筆侍

蓬瀛

勞農勸民

得農字

帝念民依切周咨保介從耕耘勤九夏勞勸普三農靈
雨桑田潤疎煙柘館濃星言歌廣陌露積望崇墉
渤海懷龔遂中牟話魯恭雞豚新畎鳩扈古勲
庸戊社耰鋤集丁男襍褊逢殷拳欽

巽命多稼慶時雍

風雨奉龍

得龍字

丁甲羣靈會斜風細雨從四山翻石燕八部奉天
龍吹垢神明洽爲霖惠澤濃海濤驚合沓雲氣挾

橫縱後隊奔蒼水前驅走赤松雷霆隨變現鱗爪
策勲庸雄長尊三百飛騰近九重和甘揚

聖化翊戴慶遭逢

袖中有東海

得蘇字

振袖凌滄海齊東興不孤箇中神獨契小有趣何
殊彈指雲濤湧凝眸雪浪粗鵞肩增卓犖蜃氣滃
模糊披拂青堪挹摩挲翠欲濡胸襟高米芾掌握
喜蓬壺遠勝琳琅品如開島嶼圖文登珍石聚雅
詠羨髯蘇

其二

東海歸襟袖高吟仰大蘇上凌三島路中有九華
圖捧日紅常灼含煙翠更腴振衣隆黼黻入網等
珊瑚壯氣青蛇在奇觀紫鳳俱聲光分貝闕身世
託驪珠仙侶浮邱挹神仙巨擘呼

液池奇景足

聖澤快沾濡

麥天晨氣潤

得晨字

麥浪兼天湧田家氣象新豐穰占樂歲芳潤喜清
晨雲闊黃猶淺煙橫翠乍勻昨宵紅杏雨前渡綠
楊津臺笠沾將濕郊原望未真嫩涼添雉雉平野

簇龍鱗爽挹三竿日香分十丈塵雙歧歌

盛世

惠澤徧陶甄

百川赴巨海

得收字

巨壑推滄海汪洋迥不侔奔騰千里赴容蓄百川
收共許稱虛谷何曾擇細流煙雲隨出沒日月共
沉浮鯢室兼鮫室麟洲接鳳洲朝宗來伍相襟帶
肅陽侯鯨吸通全胙鰲蹲據上游

聖君

恩澤普率土頌懷柔

蜂重抱香歸

得歸字

香國舒襟抱游蜂得意歸
長途來款緩重負認依稀
稀南陌花千樹東風柳四圍
黃脾資醞釀紅雨逐
紛飛錦摘重跼豔金融
兩翼肥芬芳參物性採擇
任天機縈拂防蛛網輕盈
笑蝶衣蛸蠓沾

聖化

上苑仰

恩暉

開林出遠山

得山字

林霏開豁達望見碧孱顏
露出玲瓏石雲橫澹遠

山四圍青未了一桁翠全刪雨葉風枝外詩牌畫
本間天教濃翳淨人愛晚峰閒遙想紅泉瀉時看
白鳥還有情分竹徑無限認松關聯步蓬萊頂高
吟興未慳

振衣千仞岡

得雄字

人立岡千仞高吟紀太沖筆揮神灑落衣振氣豪
雄嘯傲仙心寄聲光帝座通捫胸星斗近放眼海
天空老帶莊襟合鸞翔鳳翥同霓裳聯縹緲雲壑
俯溟濛陟彼情何壯飄然思不窮

皇猷資黼黻蓬島勵持躬

暫借好詩消永夜

得詩字

永夜消何許坡仙借好詩
宛然塵境隔暫此睡魔
支不藉沽春酒真同悟色絲
聲知聽鑰久例笑送
書遲起草燈雙穗生花筆
一枝鳳樓新結構虬箭
屢推移茶竈煙銷後梅窗月上時趨

朝欣待漏揚扈仰

軒羲

霽色清和日已長

得和字

日已欣晴霽舒長趣若何
九霄開朗澈一色寫清
和銀箭金壺悄鳴鳩乳燕多
暖生江柳岸春駐海

棠窠野老閒簪袂仙家問斧柯雲華俱澹遠風景
不蹉跎曲徑餘芳潤游絲共盪摩雅吟超務觀

聖代效賡歌

梅嶺花排一萬株

得花字

一望茫茫白眞耶抑幻耶雪排千仞嶺梅結萬株
花皎潔高兼下迷離整復斜凍雲寒有影香海莽
無涯但覺清華甚何曾推算差霜林珠錯落風磴
玉杻朽畫意騎驢客詩心放鶴家春來調鼎餽渥
仰

聖恩加

聞道神仙有才子

得仙字

聞道蓬山頂文章有正傳甫申高位業才子古神
仙月地雲階貴江花謝草妍聲光羣玉府領袖大
羅天香界金生粟元鑑寶耀蓮黃庭心版證碧落
口碑鐫繡虎雕龍技翔鸞翥鳳緣何如

宸翰富綸綍共昭宣

其二

得才字

子史菁英外神仙著作才有誰探竅奧聞道住蓬
萊鳳藻傾心久鴻名貫耳來幾篇丹篆古一曲紫
雲迴咳唾皆珠玉聲華近斗魁頭銜尊璧府牙慧

豔瑤臺成竹雄文埽扶桑化國開義山吟興愜笙
鶴屢詳猜

其三

得神字

仙子皆才子飄蕭筆有神遂教聞赫赫共樂道津
津戛玉敲金手騁鸞駕鶴身評誰操月旦想自出
風塵丹桂香前夢青蓮悟淨因鴈行齊太乙駿譽
邁高辛翰墨三生契煙霞萬古春赤簫吹縹緲笑
撫石麒麟

其四

得間字

才子高黃絹神仙跨紫氛琳瑯天上有稱道世間

聞逸品兼能品奇文更至文爲章銀漢路見賞玉
宸君光燄羅星斗規模紹典墳胸懷常浩浩耳食
亦欣欣捧近三霄日揮成五朵雲蓬壺誰繼武相
與誦清芬

滿身涼月看荷花

得涼字

荷花三十里次第看紅芳滿目煙波闊隨身月影
涼接天鋪錦繡如水潑衣裳螢火低遙岸蛙聲擱
野塘羅紈雙袖健風露一襟香舊夢懷丹桂前途
夾綠楊蟾宮寒欲峭鷗國暑全忘幸沐

恩暉久瀛洲效扈揚

山遠疑無樹

得無字

旅思添疑訝賓王欲問途徑迴山尙遠嶺隔樹全
無猶記青千仞曾排翠萬株祇緣多曲折遂覺澹
模糊丹嶂三霄迴蒼煙四野鋪斷雲鴉背冷怪石
虎牙粗攬轡遙相望如簪莫漫呼欣依

蓬島近

聖澤仰涵濡

其二

遠樹迷煙靄平山入畫圖乍離還乍合疑有更疑
無路轉疲征馬雲深叫野鳥端宜招隱士時擬問

樵夫斑剝知黃菊微茫但碧蕪峯誰猜苜蓿社豈
隔粉榆高欲盤螺髻奇休話鳥都賓王欣拔擢雅
詠近

蓬壺

綠楊深處有紅蕉

得紅字

楊柳千行綠蕉花幾樹紅宜深宜淺處若有若無
中戰雨重臺足垂煙萬縷融偶驚丹萼絢渾訝碧
紗籠蝠掠窺珠箔鶯囀坐錦叢鞦韆才子筆樓閣
美人風最愛濃陰護時疑返照烘平橋流水外詩
憶李侯工

崇儒引席珍

得珍字

引重邦之彥推崇席上珍巖阿廕

聖主儒雅盛賢臣懷璞休疑鄭連城合笑秦輝光資雪
澡聲價邁風塵玉筍班中路金華殿裏人珪璋高
品格帷幄古經綸唐帝虛衷久燕公壯志伸何如
依

舜陞多士荷

陶甄

心月印澄江

得江字

妙解誇純甫高吟興未降一心涵朗月萬派印澄

江瑩徹飛天鏡空明近水窗冰壺同皎皎雪練認
淙淙雲夢胸吞九坡仙影悟雙前身金粟藏此夕
木蘭雙桂海三珠樹松風七寶幢

皇衷欽普照日出徧敦龐